

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Menippus sive dialogorum satyricorum centuria  
inanitatum nostratum speculum**

**Andreä, Johann Valentin**

**Cosmopoli [i.e. Straßburg], 1618**

58. Divagatio

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

aut dissecare anserem, aut rotare canem, aut pingere Thaidem, aut inflare tibiā, aut jaculari ignem, aut siphare aquas, aut infilare uniones, aut crispare crines, aut fricare pustulas didicit, quingenis, & millenis etiā coronatis conducitur, qui Dei in terris interpret est, qui patriæ invigilat, qui sanguinem & vitam exponit, sesquicentum florenos ex administrantium forcipibus vix tandem eripit. A. Vbi ergo illi Magnifici Patroni, & Mecœnates munificentissimi, quos vestris charitis vndique præfigitis? ubi illa in literas liberalitas, & artium perenne viaticum, virtutum in violabile mercimonium? B. Hæc veterum deliria sunt, hodie aliter vivitur. A. Illi vero qui ad clavos sedent, literarum haud ignari, nihil intercedunt, nihil promouent? B. Nihil; ut enim quisque commode sedet, ita scit quibus artibus illuc pervenerit; nam qui literis emeruisse illos credit, desipit, qui verò ingenij, eruditionis, experientiæ & laborum id esse pretium credit, quod olim revera fuit, hodie promittitur, planissime insanit. Casus aliquis fortuitus, ac plerumque ridiculus multos elevavit. A. Nihil ergo posthac literulis tribues? B. Planissime nihil: hac enim ætate nostra præstat dentiscalpia radere, quam literarijs monumentis magnatum favorem emendicare.

## 58. DIVAGATIO.

A. Vnde nobis, unde mihi? B. Ex Europa. A. Quid monstri, an Europa urbs aliqua est?

E 5

B. Mi-

B. Mihi quidem sicjam videtur, quicquid pateat, & fluminibus intersecta, montibus & campestribus distincta sit. Nam ejus incolae, velut unitus temporij cives varie varios, omnes perlustravi. A. Tunc tantillo spatio Europam lustraris, ego aedes meas nondum undique inspexerim? B. O lapideos oculos, corpus testudineum! Ego cum avibus certarem pernicitate. A. Dic age, quos urbis tuae Europae cives inspexeris. B. Vah! quid me fatigabis, vidi Hispanos, Gallos, Italos, Vngaros, Bohemos, Polonos, Russos, Suecos, Danos, Anglos, Scotos, Germanos. A. Et hos omnes non amplius triennio, quo videris mihi abfuisse? B. Imo aliquantulo minus. A. Itaque percurrisse eas terras oportet. B. Potius pervolasse, nam veredis plerumque usus sum pegaseis. A. Atqui paulo ante perlustrasse aebas, cum pervagatum esse dicendum erat. B. Sophisticatis. A. Qui vero tot homines allocutus es, linguarum imperitus? B. Per interpretem: nam qui me circumduxit, jam dudum & viarum, & linguarum peritissimus fuit. A. Tu vera cum mutus aliena introspiceres, quid voluptatis habuisti? B. Vah, quam simplex es, nonne jucundum sit tot urbes, tot flumina, tot facies, tot vestitus formas, tot ciborum & vini genera, tot animalium, & arborum species contemplari, & publicam quasi orbis Comœdiam intueri. A. Fere convincis: nam cum alij noctu somniant, tu jam interdiu tam jucundi spectaculi memoria poteris somniare. B. Nugator; nihil vero delectet in convivij & convivijs tacite gloriosulos audire, & subito vel-

ut ex infidijs examinare, in quo hospitio hîc, aut ibi diverteint, quod urbis signum, qua via in sphaeristerium eatur, indeque illis pudorem, sibi admirationem procurare? A. Dein scire ubi aqua, ubi cerevisia, ubi vinum bibatur; ubi caseo, ubi lardo, ubi carnibus, ubi piscibus vivatur; ubi lana, ubi linum, ubi sericum, ubi pelles homines tegât; ubi soleæ, ubi calcei, ubi crepidæ, ubi grallæ sint in usu, & si quæ sunt aliæ orbis elegatiores diversitates, eæ ad numerum tibi omnes veniunt. Vide quam iniquus sis. In tanta hominum, vultuum, linguarum, morum, consuetudinum, structurarum, numismatum, adde etiam religionum, legum, artificumque discrepantia, quis dubitet præter insignem voluptatem, exactam etiam prudentiam progenerari. A. Atqui constat te nec cum prudentibus conferre potuisse, nec libros tam varios consuluisse, nec morum diversitates, earundemque rationes adnotasse, denique nisi cum cauponibus, aurigis & similibus nihil habuisse commercij. B. At hi ipsi nihilae doceant? A. Haha he, quid obsecro iuvat, cum leone rugire, cum equo hinnire, panthera caurire, urso uncare, apro frendere, cervo glocitare, asino rudere, verre quiritare, sue grunnire, canelaterare, vulpe gannire, lepore vagire, mustela dintrire, sorice desticare, rana coaxare, lynce orcare, vacca mugire, tygride rancare, pardo felire, lupo ululare, elephante baxire, ariete blaeterare, ove balare, hirco grillire, catulo glaucitare mure mintrare, grill

lo grillare, catto cattillare, angue sibilare, turdo  
 trutilare, sturno pifitare, perdice catare, anserē  
 gracitare, turturē gemere, palumbe plausitare, a-  
 nate tetrinire, accipitre pipire, milvo lipire, gallo  
 cicurrire, gallina gracillare, pavone pupulare,  
 hirundine trinare, aquila clangere, vulture pul-  
 pare, corvo crocitare, graculo frigulare, ciconia  
 gloterare, passere pipire, cuculo cuculare, cicada  
 tritinnire, bubone bubulare, ape bombifare, ves-  
 pertilione stridere, noctua cucubare, regulo  
 cincillulare posse, si ex his omnibus nihil ad vitā  
 beate, beneque degendam ad nos & Rempubli-  
 cam proveniat.

59. GRÆCIS-  
 SAN-  
 T E S.

A. Χαίρει amicissime. B. Etru salve doctissi-  
 me. A. Quid studia progrediuntur, καλῶς  
 opinοι καὶ μεμωραὶ ηἰδύως. B. Ha ha he. A. Quid  
 rides, anne tibi hæc γελιοῦσθα? B. Vt quæ ma-  
 xime, quid enim opus est te bilinguem esse,  
 cum una iam hic sufficiat. A. Sic decet inter  
 eruditos, ἀπίδοτε enim ait Salvator πῶσι τὰς ὀ-  
 φειλάς B. Atqui alterutra uti posses, nisi malles  
 ex latina & græca centaurum facere. A. Fal-  
 leris, nam cum latinæ plerumque ἑμφασίς de-  
 fit, è græca mutuatur πλήρωμα. B. Itane lati-  
 næ linguæ injurius es? A. Itane τοῖς φιλέδῃσι  
 tu iniquus? B. Ego sane admirari Græcam lin-  
 guam velut Sapientiæ matrem & Thesaurariam  
 scias